

NA PA SAYE ENE COTE

Written by Dany V. Adjodhya & Kennedy Charles

Stop! Avancé, avancé, laisse mo rentré,
Donne moi sa mic la mo komens récité
Lady Rachel and the Krumania Sistas in tha house

DJ Julie, Chachi Bindu (and) all the brothers & sistas
Tention tention mo percé, mo vibré, mo démarré,
Marchand... récommense rapé !

Chachi, didi, dolok bajao... jal bajao
Rapé Marchand... rapé !

Non...non....na pas saye ene coté
Nou tou bizin regroupé
Allez zote tou... vini kosté
Pou ki nou kapav maryé piké

Boukou dir Mauritius c'est un plaisir
Et moi mo dir (c'est) parski nouena plizir kiltir
Samem kifair nou garde le sourire
Meme si la vie p vine bien dir,
Nou tou bizin serre nou ceintir

Personne na pas parfait, li vrai
Mai li pa tro tar pou ki to rékilé
Pa écoute ban séki apé zazé
Ki pé rod corrompe to l'esprit pou zote l'intérêt

Plitar to kapav régrétté
Ki to la vi fin touzour dan difé
Akoz: zamais to ti dakor pou mélanzé
Akoz: toujours to ti préfère saye ene coté

Non...non....na pas saye ene coté
Nou tou bizin regroupé
Allez zote tou... vini kosté
Pou ki nou kapav maryé piké

Bondié ti met nou tou lor la terre
Pou ki nou viv en frere
Zordi kan mo guet les atrocité de la guerre,
Ca fair mo leker mari souffert
Kifair nou bizin fair violence ek colere?
Kifair nou bizin fair nou ban zenfant mizere?
Anou destroy tou nou ban barriere
Anou viv nou lavie sans ban frontiere

(Nou) Prié pou ki la paix toujours existé
C'est ene beauté kan tou communauté mélanzé
Nou pas trié, nou pas divisé
Akoz bondié guette nou tou avek mem lizié

Komens par blié nou ban difference de couler
Depi samem pe vine tou nou ban errer
Fair l'honneur plitot nou drapo 4 couler
Bizin fier kan nou get li flotter dan l'air

Lunité dan la diversité, samem nou valer
Samem (fair) tourists sorti depi 4 coins later
Anou rassembler, anou marye pike
Samem moi mo dir: Na pa saye ene coté

Non...non....na pas saye ene coté
Nou tou bizin regroupé
Allez zote tou... vini kosté
Pou ki nou kapav maryé piké

Mo fair ene lapel a tou bane Mauriciens
Laisse zot leker ouvert a zot prochain
Donner zordi, na pa atane demain

Nou bizin arete tourné pou guet le passé
Anou guete divant pou nou continié avancé
Parski c'est dans la diversité, Ki nou tou hérité

Ici dan Maurice, nou ena tou mo frere, nou ena:
Briani, mine touni, dalpouri, chanapouri,
mang confi, Satini cotonili, rougaille bomli,
tipouri, catchou baji,
Rason, aplon, boulette poisson,
Carri saumon, poisson salé au limon
avec piment Rodrigues, j'aaaaiime...
Gato piment, gato lacire, gato coco, gato batate,
gato moutaille, Sawmai, nankatai, rasmalai,
vindaye,
halim ek la sauce l'ail...
Mais si to pas kone so sani mo frere, bé to pé mari perdi...

Non...non....na pas saye ene coté
Nou tou bizin regroupé
Allez zote tou... vini kosté
Pou ki nou kapav maryé piké

Non...non....na pas saye ene coté
Nou tou bizin regroupé
Allez zote tou... vini kosté
Pou ki nou kapav maryé piké